

**POSLOVNIK O RADU PREDSEDNIŠTVA SKUPŠTINE  
SAVEZA OPĆINA I GRADOVA  
FEDERACIJE BOSNE I HERCEGOVINE**

**Mostar, 04.05.2007. godine**

Na osnovu člana 27. stav 1. tačka 11. Statuta Saveza općina i gradova Federacije Bosne i Hercegovine koji je usvojen dana 22.03.2007. godine na sjednici Skupštine Saveza općina i gradova Federacije Bosne i Hercegovine u Gradačcu, Predsjedništvo Skupštine Saveza općina i gradova Federacije Bosne i Hercegovine na sjednici održanoj 04.05.2007. godine u Mostaru donosi

**POSLOVNIK O RADU  
PREDSJEDNIŠTVA SKUPŠTINE  
SAVEZA OPĆINA I GRADOVA FEDERACIJE BOSNE I HERCEGOVINE**

**Član 1.**

Poslovníkom o radu Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo) uređuje se način rada Predsjedništva, ostvarivanje prava i dužnosti članova Predsjedništva/ovlašćenih predstavnika, održavanje sjednica Predsjedništva, način odlučivanja, poslovni red i druga pitanja od značaja za rad Predsjedništva.

**Član 2.**

Svaki član Predsjedništva ima pravo i dužnost prisustvovati i sudjelovati u radu Predsjedništva u skladu sa Statutom i ovim Poslovníkom.

Svaki član Predsjedništva dužan je da kontaktira načelnike općina/gradova sa područja kantona koji predstavlja i da njihove stavove iznese na sjednici Predsjedništva.

**Član 3.**

Sjednice Predsjedništva održavaju se u pravilu jednom u mjesec dana.

Sjednice Predsjedništva se održavaju u općinama/gradovima iz kojih su izabrani članovi Predsjedništva.

Prijedlog za održavanje sjednica iz prethodnog stava daje predsjednik Predsjedništva.

Materijali za sjednicu Predsjedništva se dostavljaju najmanje sedam dana prije održavanja sjednice.

**Član 4.**

Predsjednik Predsjedništva predsjedava sjednicama Predsjedništva.

Predsjednika Predsjedništva u slučaju odsutnosti ili spriječenosti iz prethodnog stava zamjenjuje zamjenik predsjednika.

**Član 5.**

Predsjednik Predsjedništva predlaže dnevni red sjednice.

Na sjednici se raspravlja o svakoj tački dnevnog reda.

Predsjednik Predsjedništva zaključuje raspravu po svakoj tački dnevnog reda kad utvrdi da nema više prijavljenih za diskusiju.

## **Član 6.**

Sjednicama Predsjedništva prisustvuju predsjedavajući Skupštine Saveza i zamjenik predsjedavajućeg Skupštine Saveza bez prava odlučivanja.

Pored članova Predsjedništva, predsjedavajućeg i zamjenika predsjedavajućeg Skupštine Saveza, sjednicama Predsjedništva mogu prisustvovati svi pozvani predstavnici državnih, međunarodnih, stranih i drugih organa i organizacija bez prava odlučivanja.

## **Član 7.**

Niko ne može govoriti na sjednici Predsjedništva prije nego što zatraži i dobije riječ od predsjednika Predsjedništva.

Predsjednik osigurava da govornik ne bude ometan i daje riječ članovima Predsjedništva po redu po kojem su se prijavili.

Izuzetno, Predsjedništvo može odrediti i vrijeme trajanja izlaganja, odnosno, učešća u raspravi.

## **Član 8.**

Predsjedništvo može raditi i odlučivati ako sjednici prisustvuje većina članova, a odlučuje većinom glasova izabranih članova Predsjedništva.

Predsjedništvo odlučuje u skladu sa odredbama Statuta Saveza i ovog poslovnika.

Glasanje je u pravilu javno.

## **Član 9.**

Sekretar Saveza neposredno izvršava ili se stara o izvršenju, odnosno sprovođenju odluka, zaključaka i stavova Predsjedništva.

Odluke, zaključke i stavove Predsjedništva izvršava na način utvrđen na sjednici Predsjedništva.

## **Član 10.**

O radu Predsjedništva vodi se zapisnik.

O sastavljanju i potpisivanju zapisnika brine se predsjednik Predsjedništva.

Na sjednici Predsjedništva utvrđuje se zapisničar koji će sa predsjednikom Predsjedništva potpisati zapisnik.

Zapisnik sadrži osnovne podatke o radu Predsjedništva.

Sjednice Predsjedništva se tonski snimaju.

## **Član 11.**

Troškove putovanja i boravka na sjednici Predsjedništva za svoje predstavnike snose članovi Saveza koji su izabrani u Predsjedništvo.

**Član 12.**

Stupanjem na snagu ovog Poslovnika prestaje da važi Poslovnik o radu Predsjedništva iz 2003. godine.

**Član 13.**

Ovaj poslovnik stupa na snagu danom donošenja.

Mostar, 04.05.2007. godine

Predsjednik Predsjedništva  
Ljubo Bešlić, s.r.